



Broj: 10/E-11-4069/25

Sarajevo, ~~13-08-2025~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH”, broj 39/14, 59/22 i 50/24) u daljem tekstu: Zakon, Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH”, broj 2/23) i člana 69. Statuta Općine Centar Sarajevo – Prečišćeni tekst („Službene novine Kantona Sarajevo”, broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke: Usluge fiksne i mobilne telefonije (Zapisnik o pregledu i ocjeni ponuda broj: 10/E-11-4069/25 od 08.08.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **BH Telecom d.d. Sarajevo**, ulica Zmaja od Bosne broj 88, 71000 Sarajevo, broj: 08-22-65061/25 od 06.08.2025. godine, za usluge fiksne i mobilne telefonije, putem Aneksa II. Zakona o javnim nabavkama, sa cijenom u ukupnom iznosu od **21.029,52 KM bez PDV-a**, odnosno **24.604,54 KM sa PDV-om**.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke usluga fiksne i mobilne telefonije, pokrenut je Odlukom Općinskog načelnika o pokretanju postupka javne nabavke u skladu sa Pravilnikom o postupku dodjele ugovora o uslugama iz Aneksa II. Zakona o javnim nabavkama, broj: 10/E-11-4069/25 od 30.06.2025. godine.

Procijenjena vrijednost nabavke bez uračunatog PDV-a iznosi **34.188,00 KM**.

Obavještenje o nabavci usluge iz Aneksa II: 848-9-2-4-22-162/25 objavljeno je dana 15.07.2025. godine na Portalu javnih nabavki. Ispravka za Obavještenje o nabavci usluge iz Aneksa II: 848-9-2-4-8-177/25, objavljena je na Portalu javnih nabavki dana 30.07.2025. godine, zajedno sa Obavještenjem o izmjeni Javnog poziva (Obrazac za cijenu ponude – usluge), broj: 10/E-11-4069/25 od 30.07.2025. godine.

U krajnjem roku za predaju ponuda koji određen Javnim pozivom za dostavu ponuda (08.08.2025. godine do 12:00 sati), na adresu Ugovornog organa primljena je 1 (jedna)

ponuda dostavljena od ponuđača BH Telecom d.d. Sarajevo, što je evidentirano u Zapisniku o otvaranju ponuda, broj: 10/E-11-4069/25 od 08.08.2025. godine.
Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako slijedi:

R/b	Ponuđač	Ukupna cijena bez PDV-a	Popust	Ukupna cijena sa PDV-om
1.	BH Telecom d.d. Sarajevo	21.029,52	-	24.604,54

**Ponuđač nije dao odnosno iskazao popust u ponudi*

Nakon izvršenog javnog otvaranja ponude, na zatvorenom sastanku održanom dana 08.08.2025. godine, Komisija III pristupila je detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa Javnim pozivom za dostavu ponuda, Zakonom o javnim nabavkama i relevantnim podzakonskim propisima.

Na osnovu rezultata pregleda i analize, Komisija III je jednoglasno konstatovala da ponuda ponuđača BH Telecom d.d. Sarajevo ispunjava formalno-pravne, ekonomske i tehničke uslove, odnosno uslove iz Javnog poziva i zahtjeve Ugovornog organa za predmetnu nabavku, te da je prihvatljiva u smislu odredaba Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija III je ustanovila da je podnesna ponuda računski ispravna, te da je ispravno obračunata ukupna cijena ponude sa PDV-om.

Nakon analize i evaluacije pristigle ponude prema pravilima propisanim Zakonom o javnim nabavkama i relevantnim podzakonskim aktima, te primjenom kriterija za izbor najpovoljnije ponude i dodjelu ugovora „najniža cijena“, definisanog Javnim pozivom za dostavu ponuda, a u skladu sa članom 64. stav (1) tačka b) Zakona o javnim nabavkama, Komisija III utvrdila cijenu ponude kako slijedi:

RANG	Ponuđač	Ukupna cijena bez PDV-a
1.	BH Telecom d.d. Sarajevo	21.029,52

Shodno svemu naprijed izloženom, Komisija III je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača **BH Telecom d.d. Sarajevo**, ulica Zmaja od Bosne broj 88, 71000 Sarajevo, broj: 08-22-65061/25 od 06.08.2025. godine, sa cijenom u ukupnom iznosu od **21.029,52 KM bez PDV-a**, odnosno **24.604,54 KM sa PDV-om**, kao najpovoljnije za usluge fiksne i mobilne telefonije.

Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-4069/25 od 08.08.2025. godine



Dostaviti:

1. Ponuđaču: BH Telecom d.d. Sarajevo
ulica Zmaja od Bosne broj 88, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis